

ՈՍԿԵՀԱՏԻ ՍՐՔԱՏԵՂԻՆ

Մ.Փ.ՀՈՎՀԱՆՆԻՍՅԱՆ

Հայկական լեռնաշխարհի բնիկների պաշտամունքային պատկերացումների մեջ մեծ տեղ է գրավել բնության, տիեզերքի պաշտամունքը: Այդ պաշտամունքին առնչվող ծեսերը, արարողությունները կատարվել են հատուկ լեռնային սրբատեղիներում: Դրանք այն բացօթյա «տաճարներն» են, որտեղ արվել են տիեզերքի դիտարկումներ, և ժայռափոր պատկերազրեքով փորագրվել են երկնային մարմինների պատկերները: Լեռնային սրբատեղիներում երկրաչափական ձևի փորագրությունները, պատկերելով արևը, լուսինը, աստղերը, արտահայտում են երկնքի, տիեզերքի գաղափարը: Հատուկ ընտրված լեռնային սրբատեղիները նաև տիեզերքի, մարդու և Աստծո հաղորդակցման վայրերն են: Ընդհանրապես, հին ժողովուրդների մտածողությամբ՝ լեռը, լեռնային ժայռակերտ սրբատեղին ընկալվել են որպես վերին աշխարհ, տիեզերք: Շումերական արարչության առասպելում երկնքի աստված Անը, որը շումերների հիմնական աստվածն էր, լինում էր լեռան գագաթին: Հին հունական առասպելներում էլ Օլիմպոս լեռան վրա են հաստատվում հզոր աստված Ջևր և նրա կողմնակիցները:

Աստվածաշնչում լեռը խորհրդանշում է սրբազան, աստվածային այն վայրը, որտեղ տեղի է ունենում մարդու և Աստծո հաղորդակցումը: Աստված, Մովսեսին Սինայ լեռը կանչելով, երկու քարե տախտակների վրա գրեց տասը պատվիրանները, կանոնները, որոնցով պիտի առաջնորդվեր Իսրայելի ժողովուրդը, և տախտակները տվեց նրան: Այստեղ Մովսեսը տեսավ աստվածային փառքը: Նույնպես և Նոյիային կանչեց Քոբեբ լեռան վրա և խոսեց նրա հետ:

Արարատ լեռան բարձունքում Աստված օրհնեց Նոյին ու նրա որդիներին և այնտեղ նրա հետ հավիտենական ուխտ հաստատեց, որ Երկիրը ավերող ջրհեղեղը այլևս չի լինի և փրկության ավետիսը վկայեց սրբազան Արարատի լեռներում:

Հիսուս Քրիստոսն էլ քարոզելիս կամ աղոթելիս հաճախ ելնում էր լեռը և այնտեղից խոսում Ավետյաց երկրի մասին: Իսկ հարությունից հետո գալիս է Ձիթենյաց լեռը, որտեղ իր աշակերտներին հրամայում է ամբողջ աշխարհով տարածել փրկության ավետարանը և Ձիթենյաց լեռան վրայից էլ մեծ փառքով երկինք է համբարձվում¹: Իսկ ըստ Եսայի մարգարեի՝ «Եվ կլինի օրերի վերջին, որ հաստատ կլինի Տիրոջ տան սարը՝ սարերի գլխին և կբարձրանա բլուրներից և հորդելով նրա մոտ կգան բոլոր ազգերը»:

¹ Հ. Մարտիրոսյան, Գիտությունը սկսվում է նախնադարում (այսուհետև՝ ԳՄՆ) Ե., 1978, էջ 18:

² Д. Редер, Мифы и легенды древнего Двуречья, М., 1965, с. 24.

³ Ե. Կուլև, Հին Հունաստանի լեգենդներն ու առասպելները, Ե., 1979, էջ 20:

⁴ Աստվածաշունչ, ելից, գլ. ԺԹ 3, 18, 20, Բ Օրինաց գլ. Ե, 4, 5, 22:

⁵ Նույն տեղում, Գ Թագավորաց. գլ. ԺԹ, 8 - 15:

⁶ Նույն տեղում, Ծննդոց, գլ. Ը, 4.20 - 22, գլ. Թ, 8 - 14:

⁷ Նույն տեղում, Մատթեոս, գլ. Ե, 1 - 13:

⁸ Նույն տեղում, Մատթեոս, գլ. ԻԸ, 16 - 20:

⁹ Նույն տեղում, Եսայի, գլ. Բ, 2 - 3: Սաղմոս, գլ. ԿԸ, 15 - 16:

Լեռնային սրբատեղիի պաշտամունքի յուրօրինակ արտահայտություններում է «Սասունցի Դավիթ» դյուցազներգության մեջ: Փոքր Մհերը աշխարհից հեռացավ, փակվեց Վանի քարաժայռերից մեկում¹⁰:

Քարաժայռը խորհրդանշին է տիեզերքի, սրբազան, աստվածային այն աշխարհի, որից կախված են երկրի դրական փոփոխությունը, կյանքի բարօրությունը:

Հայաստանը հարուստ է տիեզերքի և բնության պաշտամունքի հետ կապված լեռնային սրբատեղիներով: Այս տիպի հուշարձանները բազմաբովանդակ են, սրանցում առկա են ինքնատիպ ժայռապատկերներ, ժայռափոր պատկերազիր-գաղափարազրեր:

Ժայռակերտ սրբատեղիներում արտահայտված պատկերների համեմատությունները ցույց են տալիս, որ դրանք արվել են տարբեր ժամանակներում՝ նեոլիթ-էնեոլիթ, բրոնզե դար, նաև ավելի ուշ շրջաններում: Այդպիսի լեռնային սրբատեղիներ կան Գեղամա լեռներում¹¹, Մեծամորում, Կաթավարներում¹², Արագածոտնի մարզի Ագարակ¹³ և Ոսկեհատ գյուղերում: Իր տեսակի մեջ եզակի ժայռակերտ սրբատեղի է Ոսկեհատի՝ տիեզերական պատկերացումների խորհրդանշներով սրբատեղին: Այն գտնվում է Ամբերդ գետի ձախ ափին, տարածված է հսկա լեռնային զանգվածի վրա, ընդգրկում է մոտավորապես 500 քառ.մ տարածություն: Այս հուշարձանը ժամանակագրական առումով մոտ է Ագարակի, Մեծամորի բրոնզեդարյան հուշարձաններին և նրանց նման հարուստ է ու բազմաբովանդակ: Այստեղ փորագրությունները կատարված են ինչպես պազաթամերձ հարթակում, այնպես էլ ժայռի ճակատային հատվածներում: Ժայռի արևմտյան մասում կա քարանձավ՝ ուղղանկյուն մուտքով, եզերին փորված են կլոր փոսիկներ: Քարանձավից դեպի հարավ, գետնից մոտավորապես 0,1մ բարձրության վրա, ժայռային դանգվածին փորված է կլոր անցք, որն հավանորեն օգտագործվել է որպես բռնակ՝ ղոհաբերվող կենդանիների կապելու համար: Նման բռնակներ կան Մեծամորի¹⁴, Ագարակի¹⁵ պաշտամունքային հուշարձաններում:

Եզակի պատկերներ են արված ժայռակերտ սրբատեղիի հյուսիսային հատվածում: Հսկա ժայռային զանգվածը, որի երեսը լավ հարթեցված է, բաժանված է երկու մասի: Առաջինը նայում է դեպի հարավ-արևելք, վրան փորված և օրինաչափորեն դասավորված են հինգ կլոր փոսիկներ. երկուսը՝ վերև, երեքը՝ ներքև, իսկ ժայռի վերնամասում երկու զույգ, իրար միացած, ավելի փոքր փոսիկներ են: Առաջին ժայռազանգվածից մոտ 0,5մ հեռավորության վրա երկրորդ հարթեցված ժայռազանգվածն է, որի վերնամասում միաշարք, հորիզոնական դասավորված, միջին մեծության

¹⁰ Սասունցի Դավիթ, Ե., 1989, էջ 416:

¹¹ ԳՄՆ, էջ 9:

¹² Է. Խանգաղյան, Կ. Հ. Մկրտչյան, Է. Ս. Պարսամյան, Մեծամոր (այսուհետև՝ Մեծամոր) Ե., 1979, էջ 151 - 152:

¹³ Մ. Փ. Հովհաննիսյան, Ագարակի ժայռափորագրությունները (ՀԽՍՀ ԳԱ Լրագր հասարակական գիտությունների, 1990, № 1, էջ 70):

¹⁴ Մեծամոր, էջ 151:

¹⁵ Մ. Փ. Հովհաննիսյան, նշվ. հոդվ., էջ 72:

ուլթից ավելի կլոր փոսիկներ են: Այս ժայռադանգվածը նայում է դեպի արևելք: Մեծամորի¹⁶, Սյունիքի, Գեղամա լեռների¹⁷, Ագարակի¹⁸ ժայռակերտ սրբատեղիներում փորագրված նմանատիպ պատկերախմբերի համեմատությունը Ոսկեհատի սրբատեղիի փորագրությունների հետ ենթադրել է տալիս, որ Ոսկեհատի վերոհիշյալ պատկերախումբն առնչվում է բնիկների տիեզերական պատկերացումներին, ունի աստղագիտական-տոմարագիտական նշանակություն:

Հայաստանի ժայռափորագրություններում կլոր փոսիկներով, կետերով փորվածքները մեծամասնությամբ խորհրդանշում են երկնային աշխարհը, անգին աչքով տեսանելի մոլորակները: Այս մոլորակները սովորաբար թվով հինգն են¹⁹: Օրինաչափ դասավորությամբ, կլոր փոսիկներով փորվածքներ երևում են նաև Ոսկեհատի սրբատեղիի արևմտյան հատվածում: Ժայռի գագաթից արված ակոսը իջնում է մինչև այդ փորվածքները: Ակոսից ջուրը հոսել է ներքև, որի հետևանքով ժայռի այս հատվածը խիստ մաշվել է: Հոսող ջուրը առնչվում է անձրևի, ջրի պաշտամունքի հետ: Այս պատկերախումբը կարծես խորհրդանշում է երկինքը՝ աստղաբույլերով հանդերձ, տիեզերքը՝ իր անսահմանության մեջ: Ժայռափորագրություններում աստղաբույլերի գոգավոր շրջանակները կապվում են տոմարական հաշվումների հետ: Ոսկեհատի այս պատկերախումբը նման է Վարդենիսի լեռներում (Սև սար) մ.թ.ա. II հազարամյակի վերջին պատկանող ժայռանկարում պատկերված տոմարական նշանակության շրջանակների խմբերին²⁰: Գոգավոր շրջանակները, կապված հաշվարկների, տիեզերական պատկերացումների հետ, առկա են նաև Իտալիայի, Եվրասիայի ժայռապատկերներում²¹, Մալթայից հայտնաբերված ճարմանգի²², Մեզինայի ապարանջանի²³, ինչպես նաև նեոլիթ-էնեոլիթյան կավե անոթների, միջին բրոնզեդարյան շրջանի կարմրափայլ սափորների²⁴, Դվինի պաշտամունքային խեցու, բրոնզե գոտիների²⁵, Ախալքալաքից գտնված բրոնզե սկավառակի վրա²⁶:

Հետաքրքիր են Ոսկեհատի սրբատեղիի հարավ-արևելյան մասի ժայռափորագրությունները: Ժայռի եզրին արված երկու կլոր փոսիկները խոր ակոսով միացած են իրար: Սրան մոտիկ փորված է նույնպիսի պատկեր,

¹⁶ Մեծամոր, էջ 153:

¹⁷ ԳՄՆ, էջ 115, 191:

¹⁸ Մ. Փ. Հովհաննիսյան, նշվ. հոդվ., էջ 44:

¹⁹ ԳՄՆ, էջ 141, 191:

²⁰ ԳՄՆ, էջ 15:

²¹ Б. А. Фролов, Начало первобытной символики (по материалам изучения древнейшей Армении) (Պատմա-բանասիրական հանդես 1980, № 1, էջ 93):

²² Б. А. Фролов, Числа в графике палеолита, Новосибирск, 1974, с. 124 – 141.

²³ А. Р. Демирханян, Б. А. Фролов, Петроглифы Армении и Италии, типы, аналоги, М., 1986, с. 64.

²⁴ Հ. Ռ. Իսրայելյան, Պաշտամունքն ու հավատալիքը ուշ բրոնզեդարյան շրջանում, Ե., 1973, էջ 25, 38:

²⁵ ԳՄՆ, էջ 147, Բ. Թումանյան, Հայ աստղագիտության պատմություն, Ե., 1966, էջ 25:

²⁶ А. Г. Тонаканян, О находке астрономических календарей I тыс. до н.э. (ՀնՄՀ ԳԱ Լրագրեր հասարակական գիտությունների, 1989, № 12, էջ 71):

միայն այն տարբերությունը, որ մի փոսիկից ակոս է գնում դեպի ժայռաքանդակները: Ինչպես արդեն պարզաբանվել է Մեծամորե, Սյունիքի, Գեղամա լեռների²⁷, Ագարակի ժայռափորագրություններում²⁸, վիշապաքարերի վրա²⁹, հիերոգլիֆ նշաններում³⁰, գծիկով իրար միացած կլոր շրջանակները արտահայտում են «Երկինք-Երկիր» գաղափարը, նրանց միասնական-միաձուլվ վիճակը: Ոսկեհատի սրբատեղիի վերոհիշյալ պատկերում հավանական է նաև աստվածաշնչյան աշխարհաստեղծման նախնական պատկերացումը, երբ Երկինքն ու Երկիրը միաձուլվել էին, այնուհետև Աստված այն բաժանեց: Տիեզերական մարմինը տրոհվեց երկու մասի՝ Երկնքի և Երկրի³¹:

Այս ժայռափոր պատկերախումբը ուշադրավ է նաև նրանով, որ մի դեպքում «Երկինք-Երկիր» արտահայտող փորագրությունը ակոսով կապված է սրբատեղիի ճակատային հատվածի կենդանակերպ ժայռաքանդակների հետ: Ընդհանրապես նման ժայռաքանդակները արտահայտում են տարերքի, պտղաբերության գաղափարը: Մ.թ.ա. III հազ. ժայռապատկերներում կենդանիները խորհրդանշում են երկինքը, տիեզերքը³²: Տիեզերքը, նրա տարերքները կենդանակերպ (վիշապ ձկան, ցուլի և այլն) պատկերներով արտահայտված պատկերացումները երևում են Հայաստանի տարբեր վայրերում գտնվող վիշապաքարերի վրա, ինչպես նաև մ.թ.ա. III հազ. խեցեղենի դարձամոտիվներում³³, Ագարակի ժայռակերտ սրբատեղիում³⁴, Գեղամա լեռների, Մեծամորի մ.թ.ա. II հազարամյակի կեսերի ժայռանկարներում³⁵: Մ.թ.ա. V – IV հազ. Կիլիկիայի ու նեոլիթյան, էնեոլիթյան անոթների, Գառնիի, Կիրովականի մ.թ.ա. II հազ. առաջին կեսի բրոնզեդարյան գունազարդ խեցեղենի, Շամքորից հայտնաբերված ծարիրե ճարմանդի զարդամոտիվները՝ նույնպես կենդանիների պատկերներով, արտահայտում են տիեզերքի, նրա տարրերի վերաբերյալ պատկերացումներ³⁶: Հայ ժողովրդական բանահյուսության մեջ ևս տարերքի ուժերը ներկայացված են կենդանիների պատկերներով: Պտղաբերող կենդանին հաճախ խորհրդանշում է տիեզերքը, միաժամանակ մարմնավորում է տարերքի տարրեր երևույթներ³⁷: Հայ ժողովրդական հանելուկներում ցուլը, կովը կամ հորթը սովորաբար նշանակում են որոտ, ամպ, անձրև:

Է՞ն ինչն ա ի՞նչ,

Կովը բառաչի,

Փորթը փախչի (որոտ, կայծակ) Լոռի³⁸:

²⁷ ԳՄՆ, էջ 88:

²⁸ Մ. Փ. Հովհաննիսյան, Նշվ. հոդվ., էջ 75:

²⁹ Հ. Ռ. Իսրայելյան, Նշվ. աշխ., էջ 31:

³⁰ Ա. Աբրահամյան, Հայոց գիր և գրչություն, Ե., 1973, էջ 238:

³¹ Աստվածաշունչ, Մենդոց, գլ. Ա, 6 – 10:

³² ԳՄՆ, էջ 18, 20:

³³ Հ. Ռ. Իսրայելյան, Նշվ. աշխ., էջ 25, 31:

³⁴ Մ. Փ. Հովհաննիսյան, Նշվ. հոդվ., էջ 70, Հ. Կարաբյուրյան, Հայկական լեռնաշխարհը սեպագիր աղբյուրներում, Հ.Ա, Ե., 1999, էջ 285:

³⁵ ԳՄՆ, էջ 154:

³⁶ Հ. Ռ. Իսրայելյան, Նշվ. աշխ., էջ 25, 28:

³⁷ Մ. Աբեղյան, Երկեր, Հ.Ա, Ե., 1966, էջ 95 – 96:

³⁸ Ս. Բ. Հարությունյան, Հայ ժողովրդական հանելուկներ, Ե., 1965, էջ 12:

Այստեղ խորհրդանշանորեն համադրված են երկու աշխարհները՝ երկնայինը և երկրայինը: Ցույց է տրված կովի՝ երկրային լինելու հանգամանքը, միաժամանակ՝ նրա կապը երկնքի՝ ամպերուպի, կայծակի, տարերքի հետ: Երևում է երկնային և երկրային կյանքի փոխադարձ կապը: Պտղաբերության պաշտամունքի հետագա խորացման ընթացքում կենդանին դառնում է այդ պաշտամունքի գաղափարը մարմնավորող աստվածության կցորդը: Այս պատկերացումները երևում են Գեղամա լեռների, Արազածի ժայռապատկերներում, որտեղ պտղաբերության մայր-աստվածությունն արտահայտող կանացի պատկերները զուգորդված են կենդանիների և տիեզերքի պատկերների հետ³⁹:

Համանման պատկերացումներ երևում են տրիպոլյան մշակույթում՝ Զաթալ հույուքի (մ.թ.ա. VII-VI հազ.) սրբարանների հարթաքանդակներում՝ որտեղ պտղաբերության պաշտամունքի հետ կապված աստվածուհիները զուգորդված են ցուլի պատկերի հետ⁴⁰: Կենդանին, որպես աստվածության կցորդ, առկա է նաև Ասիայի, Աֆրիկայի, Ամերիկայի բնիկ ժողովուրդների կրոնական պատկերացումներում⁴¹: Սա խոսում է այն մասին, որ Հայաստանի բնիկների կրոնապաշտամունքային պատկերացումներն ունեն ընդհանրություններ աշխարհի շատ ժողովուրդների կրոնական պատկերացումների հետ:

Մ.թ.ա. I հազ. կրոնապաշտամունքային պատկերացումներում աստվածները հաճախ հանդես են գալիս կենդանիների հետ: Արարատյան (Ուրարտու) թագավորության գլխավոր աստվածը՝ Խալդը, հաճախ պատկերվել է իր կենդանական կցորդի՝ առյուծի վրա կանգնած⁴²: Պտղաբերության երևույթները, առնչված երկնային և երկրային աշխարհը խորհրդանշող պատկերների հետ, առկա են նաև Արգիշտի Ա-ի (մ.թ.ա. VII դ.) պալատի որմնանկարներում (Էրեբունի): Աստղերից, շրջանակներից կազմված, տիեզերք խորհրդանշող եզրազարդը համադրված է երկնային աշխարհը խորհրդանշող արմավենիների՝ սրբազան ծառերի, աստծո և ծնկաչոք ցուլի պատկերով⁴³:

Ոսկեհատի սրբատեղիի կենդանակերպ ժայռաքանդակները, առնչվելով պտղաբերման պաշտամունքի հետ, միաժամանակ արտահայտում են տիեզերքի երկնային աշխարհի գաղափարը: Այսինքն, պտղաբերությունը՝ կյանքի վերածնունդը, երկնքի և երկրի գործուն մասնակցությունը է տեղի ունենում: Արտահայտված է տիեզերական մարմինների՝ Երկնքի և Երկրի փոխադարձ կապի մեջ լինելու հանգամանքը:

Այսպիսով, Հայկական լեռնաշխարհի ժայռակերտ սրբատեղիները պաշտամունքային բնույթին զուգահեռ ունեն աստղագիտական, տոմարագիտական նշանակություն, այստեղ կատարվել են տիեզերքի դիտարկումներ: Դրանք յուրօրինակ բացօթյա հնագույն «աստղադիտարաններ» են, որտեղ փորագրված են տիեզերական պատկերացումների հետ առնչվող պատկերազրույցներ և գաղափարազրույցներ: Ոսկեհատի ժայռակերտ սրբատեղին

³⁹ Ս. Սարգսյան, Նախնադարյան հասարակությունը Հայաստանում, Ե., 1976, էջ 119, 120, աղ. 25, Գ. Հ. Կարախանյան, Պ. Գ. Սաֆյան, Սյունիքի ժայռապատկերները, Ե., 1970, էջ 155, 223, ԳՄՆ, էջ 61 - 62, նկ. 59, 68:

⁴⁰ Մեծամոր, էջ 138:

⁴¹ Յ. Н. Носовгородова, Мир петроглифов Монголии, М., 1986, с. 42.

⁴² ԳՄՆ, էջ 46, 48, նկ. 50, 53:

⁴³ Կ. Հովհաննիսյան, Էրեբունի որմնանկարները, Ե., 1973, էջ 14, աղ. 3, նկ. 2:

Համանման մի հուշարձան է, որտեղ կան աստվածաշնչյան՝ աշխարհաստեղծման նախնական պատկերացումներին առնչվող ժայռափոր պատկերներ: Այս սրբատեղիում փորագրված պատկերների Համեմատությունը Ազարակի, Մեծամորի, Վարդենիսի հուշարձանների հետ ենթադրել է տալիս, որ Ոսկեհատի ժայռակերտ սրբատեղին թվագրվում է մ.թ.ա. III հազարամյակով:

СВЯТИЛИЩЕ ВОСКЕАТА

М.П.ОГАНЕСЯН

Резюме

Святыни Армянского нагорья, высеченные в скалах, наряду с культовым назначением, имеют также астрономическое, календарное значение.

На этих памятниках, как и на наскальных рисунках Воскеата, изображены космические, а также библейские сюжеты о сотворении мира.

Наскальное святилище Воскеата датируется, по всей вероятности, III тысячелетием до н.э.